

P. 587, L. -2【分明宣語汝等】《法華經授手》卷 8：「分明宣語者。以機熟信成。非從前權巧逗機。秘而不言也。言成佛已來。單推過去。已有不可思議劫。返復推窮。則前前無始矣。既知前前無始。便識後後無終。總三世之壽量。曷可終窮哉。問：若如此渺漠無終。誰復知斯壽量長遠？答：不見如來謂。今欲顯發宣示諸佛智慧。既曰佛慧。則唯佛知見。故一切聲聞、辟支及不退菩薩。皆不能知見。而獨覺者知見耳。如此難思難量。故謂自在神通之力也。」(X32,p.765,c2-10)

P. 588, L. 2【金光明經云】《金光明最勝王經》卷 1：「一切諸海水，可知其滴數；無有能數知，釋迦之壽量。析諸妙高山，如芥可知數；無有能數知，釋迦之壽量。一切大地土，可知其塵數；無有能數知，釋迦之壽量。假使量虛空，可得盡邊際；無有能度知，釋迦之壽量。」(T16,p.405,a13-20)「王舍大城有一菩薩摩訶薩，名曰妙幢，已於過去無量俱胝那庾多百千佛所，承事供養，殖諸善根。是時妙幢菩薩獨於靜處，作是思惟：「以何因緣，釋迦牟尼如來壽命短促，唯八十年？」復作是念：「如佛所說，有二因緣，得壽命長。云何為二？一者、不害生命，二者、施他飲食。然釋迦牟尼如來曾於無量百千萬億無數大劫，不害生命，行十善道，常以飲食惠施一切飢餓眾生，乃至己身血肉骨髓，亦持施與，令得飽滿，況餘飲食。」作是念時，以佛威力，其室忽然廣博嚴淨…於其四面各有上妙師子之座，…復於此座有妙蓮花，…自然顯現。於蓮花上有四如來，東方不動、南方寶相、西方無量壽、北方天鼓音。是四如來各於其座加趺而坐，放大光明…爾時，四佛告妙幢菩薩言：「善男子！汝今不應思忖如來壽命長短。何以故？善男子！我等不見諸天世間梵、魔、沙門、婆羅門等，人及非人，有能算知佛之壽量，知其齊限；唯除無上正遍知者。」時四如來欲說釋迦牟尼佛所有壽量，以佛威力，欲色界天諸龍、鬼神、健闍婆、阿蘇羅、揭路茶、緊那羅、莫呼洛伽，及無量百千億那庾多菩薩摩訶薩，悉來集會，入妙幢菩薩淨妙室中。爾時，四佛於大眾中，欲顯釋迦牟尼如來所有壽量，而說頌曰」(T16,p.404,b28-p.405,a12)

P. 588, L. -6【四句】依《法華玄義釋籤》卷 15：初住唯兩句一本下迹高、本迹俱下（初住之前無法身本，故不得論本高迹下，仍有過上，又不得論本迹俱高）。妙覺唯二句一本迹俱高、本高迹下（妙覺極位，更無過上，故無本下迹高及本迹俱下）。二住已上，等覺已還，皆具四句。例：二住迹現為初住，初

2022/2/15

住是迹，即本高迹下；二住現為三住，三住是迹，即本下迹高。二住現為二住，以望初住即本迹俱高，望於三住即本迹俱下。(T33,p.924,a16-26)

P. 589, L. 3【常在此界】《法華經要解》卷 5：「謂從塵劫成佛已來。言常在此。又在餘處。則不唯身相常住。亦顯國土常住也。是知娑婆及萬億國。無非淨土。同一法界。未常壞滅。其有壞滅。皆別業妄見也。」(X30,p.335,c9-12)《法華經授手》卷 8：「此舉國土。顯法性土徧十方而無際。以如是身。居如是土。說如是法。化如是眾。於其中間。則何法不說。何生不度。所謂：但見皇風成一片。不知何處有封疆。則從始至終。唯一如是也。」(X32,p.765,c16-19)

P. 589, L. 5【非寂光外。別有娑婆】《阿彌陀經疏鈔》卷 2：「隨其機異。所見亦異。有於同居見寂光土。有於同居見實報土。有於同居見方便土。有於同居但見本土。如法華云：我此土安隱。天人常充滿。像法決疑經云：今日坐中無央數眾。或見此處山林地土砂礫。或見七寶。或見是諸佛行處。或見即是不思議諸佛境界。皆隨機異見耳。」(X22,p.634,a24-b6)

P. 589, L. 5【皆是從本所垂諸化迹】《法華經大窾》卷 5：「難云：如來既從塵點劫先久遠成佛。常在娑婆說法教化。何故又說在然燈佛所授記？為佛授記之後。便入涅槃？答云：此等皆是如來方便。為世間立法王、法師標榜。轉相授受。令如來道統相繼不斷耳。殊不知：即然燈授記成佛時。亦是釋迦化現之跡也。所以化現者。由我往昔劫中。亦以佛眼觀一切眾生。信等五根。各有利鈍。不堪說實。不得已而隨類現身。各立名字。各現壽量。名現涅槃。又各隨機說法。其所說法有權有實、有頓有漸。無非誘人發懽喜心，令入佛慧。若以實論。無一物非如來身。無一名非來如號。無一剎那非如來出現之時。無一芥子非如來寂滅之地。塵塵爾、剎剎爾、念念爾、物物爾。豈以一身、一名、一時、一地可限量哉。此顯在過去時。以秘密神通之力。無生現生、無滅現滅如此。」(X31,pp.790c19-791a9)

P. 590, L. 2+3【法眼+佛眼】法眼：觀知萬善輕重，華、權果報→人天、三乘。
佛眼：圓照萬善，具知始末華、果→佛果種智

P. 590, L. 4【慧根、了因】《觀音玄義》卷 1：「了因、緣因者，了是顯發，緣是資助，資助於了，顯發法身。了者，即是般若觀智，亦名慧行正道，智慧莊嚴。緣者，即是解脫，行行助道，福德莊嚴。」(T34,p.880b16-19)